

歙托山程氏世譜序



911066



淘生不幸逢時多故出入兵甲之間不知義方永懷

先人遺澤及淘之身泯泯如此每每念及

戈涕泣思見四海又安何太平之不易得

之相迫也已矣行年七十位不過嚴將仕

封控於縱橫之諸侯因以攘剽之殘寇長

日下以掉心劔嶺未通望棧閣飲血有志

楮何言重念先世舊塋鞠為荆棘故相東閣

沈

場平時隣里鄉黨之人半是梟狐魍魎之物死者郊

原暴骨生者巖穴藏身屋漏田無見鹿已遊於町

軍輸兵餉驅民未免於租庸無日不兵無寺不

奔迫之不暇豈簡編之或收由是譜牒舊事

燼既無路以報國復何意以辱先聊因賦

輯世次之序自洵而上止忠壯公凡十三

黃

墩乾符五年歲在戊戌端午日黃巢別部入黃墩洵

之族人逃難解散賊衆遂營本宅攻劫川谷蕩滌殆

盡至仲秋初黃巢收部犯關于時清蹕無聲鸞旗失色行幸萬里自同天寶之遊負乘九重更甚貞元之僭洵與兄湮思世故之毀共謀存活之計也

盜

移國方鎮勤王甫及一年李克用朱溫步

所

在州縣戶口減耗其曾經巢賊所過則又甚

賊後山落老穉稍歸鄉社兄湮遂謀於衆曰黃巢雖沒蟄氣未除天未悔禍饑饉荐_亦以湮度之不及息肩矣一旦如有雞犬之警吾屬彫瘵之餘豈有_亦噍類

衆皆泣曰其將若之何澧曰盍相與依山阻險以自
安無事則耕織以供伏臘倉卒具脩戰具以相庇衛
今鄉里雖殘破然諸君多少年一心可圖也衆
諾於是共推澧爲巖將依東密山爲寨衆不過四
餘人未幾草寇畢鷄楊僊童李重霸孫端

范珠相繼而至衆或一二千多或四五萬

閏月三日陳儒自黎陽引兵薄東密自午及酉接戰
再四不克而去時隣近巖寨悉皆破亡獨澧率勵鄉



里撫衛盡道故能得人之情雖甚疲敝戰皆倍力澮
既擁衆以謂所在皆爲賊守俱非王人獨立以待無
所款附他部賊兵皆相畏憚景福二年楊太密行密
遣將田頽略地列郡皆下惟澮堅壁東密頽迫人誦
之曰太尉已受朝命都督東南行營今日頽來非賊
也澮再拜對曰所以自保者不欲以三百年太平民
坐爲賊虜爾審如公言吾復何求田司空可得已乎
頽因單騎入巖澮具軍容甚肅頽曰卿真將彊邪澮

曰司空見淮南太尉幸爲澧言但得太尉府中一親
信人至相與共事錢氏在吳不足慮也會楊太尉有
孫儒之孽未果從澧所請即表陶僕射雅知歙州奏
澧爲歙州副兵馬統帥檢校御史中丞依前東密巖
將兼領馬金嶺防拓等事以衙內都押衙程暉爲副
由是兵聲大振降下富昨黥山容山丁山等獻寒戈
甲旗物於是始備久之澧以老乞解兵權仍請以巖
兵付程暉俄而本府以衙內副指揮使程言來領後

事湮歸府病卒月餘程言果與程陣相凌嚴兵不輯
陶僕射大懼蓋歙州連接浙境最倚東密以爲藩障
故也府諮議陶映言于僕射曰程湮久帥東密人情
所歸今其弟洵亦足謀略可更以東密授之於是表
洵爲東密嚴將洵旣至衆皆相悅洵無他長所守者
先兄規略而已每閱兵帳及戶口版籍見沉亡者無
筭所存不滿二百戶每歲又納租稅及時糗糧芻草
之積軍需調發科率百出因竊嘆曰後人逢時無虞

體胖心佚豈識向上辛苦如是邪更有不懷厭滿非
上念亂者誠何人哉故因輯家譜之次聊書以示于
孫

大唐歙州都知兵馬使東密巖將兼領馬金嶺防拓
等事銀青光祿大夫檢校國子祭酒兼侍御史上柱
國裔孫洵序

程氏世譜序

程氏望出廣平其上世蓋高陽之諸孫也在五帝世
爲火正黎爲祝融爲和仲和叔逮及周成康之際始
受封爲程國由周而下世有聞人見於傳記皆有可
考唐末五代之亂亡失舊譜上世次序不可復知祁
爲兒時受教于先祖曰程氏中微不得祖牒自吾有
知深忿惜之今且老矣子孫必當承吾志凡遇同族
宜博採訪期于必獲而後止且吾聞之先府君以爲

吾家盛德之後蓋重安忠壯公之系姓也其後家君
爲和州歷陽縣尉故吳門光祿帥洪道過南豫從容
謂家君曰吾姓同出黃墩而譜書不傳意其遺落民
間尚未泯墜吾曹遊宦先至歙郡當力求之毋忘以
完本相寄也熙寧十年春家君由小著得請知歙之
婺源明年歲在戊午實元豐元年正月之九日於歙
縣得程氏數十家於黃墩其豪曰志忠率諸族父子
兄弟迎謁道左雖然少學亦頗知禮蓋有衣冠遺風

馬從而詢之乃出其家譜一卷祖孫相傳多歷年數
文字漫滅世次不明又得所謂相公墓及宅基射蜃
湖浴馬池等處里民談忠壯公遺事歷歷可聽其盛
德在民歲時相與祠事不絕家君旣拜墓下又從歙
令張世望借取圖經因以考實所聞蓋皆符合居無
幾海寧族人程立亦獻其所藏世次一卷兩家譜叙
僅足以相補詞多鄙野不成句讀或傳歙縣程璇家
有善本會其家有回祿之變併以亡失先是家君將

之歛留祁居家自婺源至黃墩嶺道回還凡二百餘里既行之日祁夜夢如迷途入一大墓中意甚恐適逢一古衣冠丈夫援手而指之曰道此可還而家也及寤頗記其狀比家君還自歛述墓塋林隧之勢如夢所見於是家君悉以所得程氏譜書付祁曰汝當論次吾讀舊譜至荊州驃騎有三世不脩譜之戒誠哉是言也且忠壯公精靈英爽死且不朽殆神有意囑汝於夢寐吾滋異之祁奉命不自揆度實始載其

事由是稽攷史傳以相證佐一代定著爲一譜以開
元譜爲第一其後十年調補玉溪掾其書粗成然猶
未敢以爲是也東南族人或有好事者隨輒取去離
析卷帙遷附臆說其所定本多所異同徃徃搃馬以
爲祁所定前後相詭理出厚誣元祐間祁掌教衛學
暇日復加銓擇鉛槧編簡不去凡案者垂又五
能訖事因竊嘆曰程氏譜牒散漫無紀久矣凡
姓宜所共惜今以祁之固陋其所論次大懼不文

足以發揚萬分之一然其世序條例頗用史法井
條理不爲不備也倘宗人與我同志或嗣有所目

別有藏書與今譜不同者願以見教焉以祁六馬之
齒或未衰也尚庶幾改之予日望之嘗

紹聖二年歲在乙亥長至日書于太學之直今齋務
祁謹序

托山程氏續譜序

新安著姓程氏為望其族屬散居于郡邑者皆詩
禮循恂冠裳熠燿靡不繼繼承承踐華踵武
然盛也歛之托山有彭叔祖遠氏以續脩本又族譜
請序於予曰我程氏始於重黎歷周秦漢晉梁唐
迄于今忠節著于皇家茂功勒在彛呂爵封侯自
蔭承休者代不乏人程氏之盛昭當時而垂後世
自今矣若我泚公世居黃墩至乾符五年因黃巢

部經過舉族逃難遂徙開化龍山長子盈之子從
遷居湖湘次子旭嗣洵東密巖將蕪領開化龍山

五世孫時謙公字嘉厚於宋崇寧間復遷歙之長流
托山顧世派既遠服屬日踈先高從祖仲昭公舉
經授潛山尹嘗脩輯之而未成也若不及今重加纂
輯則自本而支混淆無據非惟貴顯閥閱者湮沒不
存且將視至親無間秦越矣遠為此懼乃嗣服祖命
循流溯源衍世次而重脩焉噫彭叔之為是譜也亦

既詳且密矣其尊祖敬宗之孝萃渙收族之仁不亦
深可嘉哉夫古者因生以賜姓人莫不有所自出也
然而知之者則寡無怪其子孫漸微澤流寢軌也今
觀彭叔所脩之譜夔纂有方源流不淆其功存社稷
澤及生民顯融當時世濟厥美者既靡不具載乃其
考槃在澗落落無聞者亦莫不采而錄之所謂不貴
富貴不羞貧賤彭叔有焉由是以叙昭穆以辨尊
以聯疎戚雖百世以前千里之外若同居一堂之

秩秩乎雍雍乎三代之遺也噫其程氏之良史哉
為其後者益能對揚休訓求世德嗣流風敦愛方
永永不替焉則其光大于而家不又永有譽哉詩曰
昭茲來許繩其祖武余敢書此為程氏子孫勗
永樂七年歲在己丑孟春月上元節

賜進士出身文林郎知分宜縣事黟人汪澍撰

程氏續譜序

萬物本乎天人本乎祖人之有祖猶木之有根水之有源也祖遠竊謂有肇始之祖有別子之祖三代之祖皆出於軒轅是其始祖也其後建國夏則祖顓頊商則祖契周則祖后稷名號不同祖亦有別非別子之謂乎由三代而秦漢六朝唐宋莫不皆然大傳曰別子為祖康成註別子謂公子始來居此國者後世以為祖其說信然矣我程氏得姓自重黎以為始祖

至伯符受封廣平世襲伯爵又四世休父仕周宣王
時為大司馬又十世嬰公有存趙狐之功封忠誠君
嬰公後三十世多有伯爵封公侯之祿至元譚公仕
東晉為新安太守賜居城西是為新安程氏為黃墩
始祖又十有三世至忠壯公生二十二子程氏遂布
滿南國世不乏人又十三世珍生八子洎沚渾澤灑
淘湘汾今攷此八房以上至十五世皆居黃墩至乾
符五年因黃巢經過舉族逃難漫徙四方我沚公則

徒居開化龍山長子盈之子從讜遷居湖湘次子旭
嗣洵為東密巖將兼領開化龍山世家下干至五世
孫諱時謙公者字嘉厚遷歛長源托山遠之十世祖
也竊思吾祖時謙公克振家緒平生好施與嘗叙次
世譜族圖一冊囑其子富公收藏傳至仲昭公舉明
經尹潛山縣又嘗纂脩之以宦外未竟也自此而下
家譜之脩惰然未有加意者昔東阿侯誠子孫曰三
世不脩譜三世無學問况至今不啻十餘世此其勢

誠急而其責誠不容諉矣遠於是忘其固陋將所遺
世譜併圖卷編集家譜付之梓庶我祖時謙公叙譜
囑後之意不泯而吾族之渙散者亦有所繫屬矣所
謂統宗譜牒具載洵公祁公等譜茲不妄有所贅云
昔

永樂七年春王正月裔孫祖遠序

欽托山程氏族譜凡例 計八條



一譜書與史無異但史錄一國之事善惡具見譜存一族一人之事書善而不書惡為親者諱也善有可紀片言不遺其湮沒不存者則不能錄

一原其本始俱依舊譜為圖自得姓以來傳繼圖後所存碑記等文又著傳後

一自忠壯公而上世代遐邇旁支遠裔不能攷存但依舊譜抄錄圖或九世或五六世或二三世參差不齊者遵都官一代定著為一譜之意也

一本支自旭公以下書諱其餘例書名傳錄生歿葬娶不得不

詳其旁近支善可紀者亦書遠支言行事實關于世教者則書餘不能詳非略之理勢然也

一凡無後者書無傳憫之也以凶暴而殄其世者書絕三十歲以前死者書夭

一每卷世系支圖當爲世表以著其胤嗣繁替遷移處所其弗能詳書當續詢攷書之

一本支圖傳及先世遺文已隨所存編入各支派下子孫其有能存先世遺文并後來子姓名字冀詳錄示庶可陸續編集後代子孫支派繁多其根源可尋者貧賤必書原無根據不可稽攷者雖顯不書

族譜凡例終

欽托山程氏族譜目錄

卷之一

世次圖七

自周伯符公一世得姓始至四十四世牧公終

各代傳誌論贊

誠信侯誥勅

通議大夫方回撰廣平府誠信侯殿記

程延公上表

卷之二

世次圖五

13

四十五世元譚公始至五十七世寶惠公終

各代傳誌論贊

新安太守程公墓碑

卷之三

世次圖七

五十八世靈洗公始至六十九世行穰公終

各代傳誌論贊

忠壯公誥勅

忠壯公廟記

都督文季公本傳

卷之四

世次圖一

七十世纂公始至八十世河南支淑公終

各代傳誌論贊

卷之五

世次圖四

七十二世沚公始至八十九世士名公終

各代傳誌論贊

龍山顯祐廟碑

嘉厚公傳

14

文芳公傳

仲昭公傳

元一公傳

欽定四庫全書
欽托山程氏族譜目錄終

歙托山程氏族譜卷之一

世系原始圖

宋都官祁公譜圖

撫	十一世	仲辛	六世	伯符	一世
				<small>仕周</small>	
思陵	十二世	黑肱	七世	廩丁	二世
德邈	十三世	君識	八世	仲任	三世
嬰	十四世	應	九世	子臧	四世
		公龕	十世	休父	五世

金源正印

謹按舊譜程氏原于高陽氏之孫重黎之後至周成王時諱伯符祖始封廣平遂開程國子華子言吾之宗君獻其所為祥者

三曰井里之有璞也曰泰山之器車也曰異畝同穎之禾也漢
司徒晉驃騎皆言伯符祖有三異之瑞以封於程大抵先王之
世開國承家必有顯庸五等之爵皆不濫予夫然後知程氏矣
豈無所因籍哉

贊曰維帝之胄世序天地敬授人時曆象星紀厥初生民以克
有世翼翼廣平載駿厥聲荷天之寵來國于程桓桓司馬實董
王武四征不庭畧定徐土於乎不顯奕奕其光子孫保之受祿
無疆

世系本始圖

十四世

十五世

十六世

嬰仕晉

伯丕

伯先

叔畢

叔本

伯桃
夭

伯恭

金源正德

謹按晉景公三年諱嬰祖受封忠誠君初趙宣孟之子名朔為屠岸賈所殺朔妻晉景公之姊也有遺腹子俱走入公宮屠岸賈索之夫人置兒於袴中祝曰趙宗滅乎若號及索兒竟無聲遂免於是朔之客公孫杵臼謂朔之友程嬰曰胡不死嬰曰趙孤幸脫吾當奉之因謂杵臼曰一索不得必再索奈何杵臼曰

16

立孤與死孰難嬰曰死易立孤難耳杵臼曰趙氏先君遇子厚
子強爲難者吾爲其易乃謀使杵臼詐取他人子抱匿山中嬰
即告屠岸賈賈捕得杵臼并兒殺之由是岸賈謂趙孤已死不
復疑索嬰遂與趙孤匿山中十五年晉景公疾卜以爲有功不
遂者爲祟以問韓厥厥即言趙衰趙盾俱有大功今有孤在公
其立之公曰諾乃召程嬰山中而立趙氏孤是爲文子反攻屠
岸賈之族滅之文子已冠成人嬰曰我將下報宣孟與公孫矣
武啼泣頓首曰武願苦筋骨以報子至死柰何去我而死乎嬰
曰彼以我爲能成事故先我死今我不報是以我事爲不成也
遂自殺文子制服三年爲之祭邑春秋祀之世世勿絕宋朝元

豐四年五月二十一日大理寺丞吳處厚進劄云臣讀史記世家攷趙氏廢興之本末惟程嬰公孫杵臼二人爲最忠義各盡死節不顧難以保全趙孤乃知國家傳祚至今皆二人之力也今宋有天下一百二十二年于茲矣而二人忠義未見褒表廟食弗顯臣欲乞

金源正德

朝廷行下河北晉趙分域之內訪求二人墓廟特加旌表如或自來未有廟貌亦乞如法崇建著於甲令永爲祀典如此則忠義有勸亦可見

聖朝不負于此二人者矣候進止次日奉

勅趙氏之先始大於晉下宮之難程嬰與公孫杵臼以死脫孤復

存趙宗忠義著焉自昔有功於世者罔不廟食况國家胄緒之所出二臣有存孤續絕之德常祀不載良爲闕典朕命使者訪求墓廟而得之于絳宜卽建祀䟽封侯爵威靈如在永食厥土嬰封誠信侯杵臼封忠智侯

誠信侯再封翊德真人誥

勅 恤孤繼絕在仁政以爲先證聖成真由陰功之可紀程嬰精誠貫于金石高誼薄乎雲天當下宮之濫誅指遺孤以自任彼其旣立復位則仁能任重逮乎成事下報則忠不自欺豈止存六尺之孤終能綿百世之祀蘿圖蔓衍肇開寶運之祥葢簡歲蕤宜列上清之格緬追高躅式薦嘉稱冀靈鑒之洞昭佑丕基

于永固可特封翊德真人

宣和七年四月二日下

廣平府洺州肥鄉縣重建誠信侯殿記

託孤之難未若立孤之難幼而長之宗祊危而安之託孤固難死而生之血食絕而續之立孤尤難周成王踐祚尚幼周公攝政四國流言七年而復子明辟此所謂幼而長之以安宗祊之危固難矣哉夏羿浞之變后緡方娠自竇而逃一成一旅遺臣靡立少康不失舊物此所謂死而生之以續夫血食之絕不亦難之尤難者乎是故漢霍光擁佑昭帝保養幼主可謂託孤之功爲大而不如丙吉張賀有恩於宣帝垂死而生可謂立孤之

德爲大今廣平府故洛州肥鄉縣春秋時立趙孤近世封誠信侯程姓嬰諱之里也周簡王之五年晉景公時屠岸賈攻殺趙同趙括趙氏盡矣而趙武者趙朔之庶子也侯與公孫杵臼謀而藏之後祈奚韓厥言於景公復立趙武史記晉趙世家春秋內外傳劉道原通鑑外紀所書不同然成季之勲宣孟之忠若一髮懸千鈞迄至於今有社稷不墜者誰之力歟肥鄉之程侯也則肥鄉之人祀之又豈止一鄉一國之善士歟宣和末崇奉道教又封爲翊德真人公孫杵臼亦自忠智侯封爲明義真人厥後江南侯有廟甚盛曰祚德封爵又不止此而肥鄉如故南北異也侯之後世居肥鄉程君玉欲新侯廟不果蔣若思爲玉

養堦繼父志一新之宮殿四楹雕飾完美元貞初元季秋鳩工
昔年落成用中統楮幣爲錢百五十萬九千有奇其里人省郎
王君英求記其事夫食人之祿存亡繼絕忠臣也程侯宜書爲
人之後肯乃堂構孝子也蔣若思亦宜得書是爲記

大德改元歲次丁酉六月旣望通議大夫前建德路總管兼府尹

紫陽虛谷方回記



論曰孔子言有殺身以成仁孟子曰寧舍生以取義此兩者古
之難能而忠誠君則兼有之故能卒立趙孤下報亡友百世之
下王者作興而敬先尊祖之寵賁于下泉服侯服享侯祀流澤
亦已遠矣若夫束帛之贈執圭之聘惟躬行君子然後能有此

也

贊曰誠信矯矯許友以死其音昭昭光于信史肆有蕃祿勿替引之封塋錫爵于以表之翹翹國士師望所尊道義之腴以貽子孫

十六世

十七世

十八世

十九世

二十世

叔本

會仕趙

辨

括

叔虎

景遂

繁

二十世

二十一世


二十二世

二十三世

二十四世

景遂

逸



遇
又名邊

述

遠

彪

瑋

邈
仕秦

愿

慤

玆和



謹按叔本祖字子華始居於苓塞少博學通墳典及故府傳記
 之書性閎爽善持論不肯苟容於世聚徒著書人稱程子初郊
 子善言禮以達古禮聞於諸侯叔本亟往從之見郊子焉以為
 非是委而去之遭孔子於途傾蓋而語者終日甚相親也孔子
 悅顧謂子路曰今程子天下賢士也取束帛以贈先生其書號

20

子華子行于世一子曰會字子元長于家學仕趙爲邯鄲都尉
及襄子滅智伯預其謀焉獻侯之難以身殉之烈侯立使從享
于襄子會生三子長曰辨長於曆學次曰繁精於禮樂之說諱
括生叔虎叔虎生景遂景遂生四子長曰逸仕趙爲右軍次曰
遇次曰述適楚爲葉公家宰次諱遠仕趙武靈王平林胡後死
于沙丘之難生二子長曰彪次曰瑋彪仕趙孝成王長平之役
見獲於秦生一子曰邈字元珎客居下邳家貧仕秦爲獄吏有
罪囚之十年覃思求大小篆方圖爲隸書三千字秦始善之用
爲御史瑋歷仕趙孝成悼襄二王皆爲典謁生二子長曰愿次
曰慤秦已下趙廢爲民慤生玆和

玆和
仕西漢

二十四世

黑

二十五世

整

二十六世

竈

二十七世

安

二十八世

整

元則

玄通

元嘉

橫
一子回

二十八世

二十九世

三十世

三十一世

三十二世

玄通

翔
字文習

泰

康

君縉

永

保

三十二世

三十三世

君縉

文尚

金源正統

七
星
天
英
普
余
之
一

二

21

文爽

謹按玠和祖秦末武臣王趙以忠涓從累戰功多爲大中將軍娶天水尹禽女生黑字智述陳餘之死張耳爲漢所立仕張耳爲衛將軍漢王三年從彭廬攻項羽敖倉下爲將軍攻臧荼有功封歷侯食千戶于時玠和猶在堂詔食中大夫祿賜几杖月給牛酒歷侯七十八薨謚曰簡生二子長曰釐次曰整釐字令端襲侯薨謚曰孝釐子竈襲侯十四年景帝元年有罪國除竈有曾孫安爵關內侯諱整字令脩孝文帝爲代王時以謁者從帝即位爵徹侯後爲兗州牧生二子長曰元則次曰元嘉元嘉事孝景帝爲江都相吳楚反爲將軍有功封建平侯食二千一

百五十戶薨謚哀侯生節侯橫節侯生侯回以無子國除諱元
則祖仕文帝爲郎與馮唐同著唐已知名薦元則于帝用爲廣
平太守孝景帝封陽陵侯生玄通玄通孝武帝時從封岳爲郎
負戾登泰山擢關內侯程氏自玆和至此四世聚居號爲媯睦
帝詔旌異之爲立孝義縣名而徙侯之玄通生翔字文習襲侯
及孝宣時以女嫁霍山之子霍氏誅詔侯出爲東郡太守生二
子長曰泰次曰保保累遷河內太守諱泰祖元成間爲中大夫
典治扶風有殊績會匡衡韋玄成以儒術相繼而相勸上用閔
閱於是夫考姓望自扶風入穎論次從容自陳曰臣之遠祖伯
符封於成周實因表上三異而以開國其後十四世祖嬰與趙

朔爲友實有託孤之義臣姓不應在衆人之後於是丞相御史大夫等進曰臣讀程氏譜誠如泰言又伯符有三異之瑞著在圖謀不可改也帝詔泰襲廣平之封領冀州牧後策拜司徒未拜而侯薨生康永永西漢末累典郡王莽居攝元年爲海西郡太守爲羗酋所殺康祖成帝時久遊太學辟司空掾不至杜門避亂家居生君縉孝平時爲彭城太守漢兵起首歸更始長安定封亭侯生二子長文尚次文爽俱仕後漢

論曰程氏本出天地官其子孫多喜志節好立功名故其際風雲之會則咸能析圭擔爵非土傳國至中大夫以耆艾受祿孝義侯以嫺睦錫封益大其緒豈不休哉夫姓族氏望之無聞君

子耻之冀州之自陳良有以也

贊曰大君有命開國承家棠棣華兮維悌斯友維孝斯忠侯襲封兮丕顯我姓孰導其流維冀州兮肆有天祿以綏爾裔永漢世兮

金源正源

三十三世

三十四世

三十五世

三十六世

三十七世

文爽仕東漢

孝隆

公曾

孝集

孝寵

公似

炅

伯盛

三十七世

三十八世

三十九世

伯弘

23

伯盛 超

績

奢

元昱

元起

謹按文爽祖光武時為河東太守有政績帝方銳意吏治璽書
 勞問轉下邳彭城二太守春秋八十有一娶中郎將王道相女
 生三子長曰孝隆次曰孝集次曰孝寵孝隆補豫章南昌尉卒
 於官生一子曰公曾字秀升幼孤僑居南昌嘗受業長安習嚴
 春秋積十餘年還家講授會稽顧奉等數百人嘗居門下著書
 百餘篇皆五經通難又作孟子章句建初三年舉孝廉遷海西

令諱孝寵祖以名家選為郎宿衛和喜宮持節安撫龜茲以西
諸國除信威將軍歷拜江州刺史娶清河張覲女生一子曰公
似受學海西有名於時李固為太尉辟為掾娶泰山王政女生
一子曰昺少從陳蕃受學後事南郡馬融皆卒業歷新定弘農
二太守娶天水尹符女生二子長曰伯盛次曰伯弘伯弘奉道
為沙彌伯盛累辟公府劉表鎮荊州以為從事再請行陵武太
守春秋六十生三子長曰超辟梁州掾次曰績次曰奢隨劉表
在荊州魏太祖下荊州奏為軍諮祭酒獻帝擢為鴻臚卿呂布
平以為持節雍州刺史封漢嘉侯春秋四十有九謚曰烈娶汝
南應順女生二子長曰元起次曰元昱元起辟青州司馬學釋

氏深達教乘不喜仕宦元昱仕魏徙居東阿

論曰程氏族盛於前漢其餘澤所被至東都冠纓蓋相望也江
州復興於前漢嘉侯再振於後凡兩漢之仕者無慮數十人不
其盛歟海西兄弟以經行知名宦雖未達其心跡亨矣

贊曰宗國先君澤流無垠丹旛皂纛閱俗班春金朱煌煌漢業
有光青青子佩翊我素王

三十九世

四十世

四十一世

四十二世

元昱 仕魏

武 一名道員

克

良

謹 一名富仕

建 一名道福 曉

智達

智徹

謹按嘉侯季年袁氏與魏爭河北廣平喪亂故二子避地東阿
諱元昱少有文章明經史靡不該洽長有大智身長八尺仕魏
武帝至左翊將軍生三子長曰武彥捧日而行後仕至兗州刺
史重封武陵侯年七十有三娶顧氏次曰懂次曰建魏正元二
年領東平太守壽六十九生子曰曉娶杜氏生二子長曰智達
終零陵太守次曰智徹仕晉

金源正源

論曰昔子房借箸而高祖勝鄧禹杖策而光武興吾觀肅侯之
畧有二子之風矣佐魏以有天下而位不至公魏真少恩哉汝
南文章格致得古之正音然而時方好爲綺美之語故亦不爲

時所知惜夫

贊曰肅侯之德是謂剛克多識前言孔武有力遭漢季世群盜如蝟保我東阿市不易肆魏武雄特天授四國視天去就肅侯不忒肆有殊功安鄉定封惠于里人燕及群宗持泰以約持厚以薄名成不居永世豐爵汝南嗣文東都之子克篤前烈維聲國史

四十二世

四十三世

四十四世

四十五世


智徹仕西晉

咸


衛

延

恢



延祖上表



晉惠帝時驃騎將軍諱延字孝長因憫族系零落上表曰臣先祖故封廣平周時為程國蓋伯符之胤臣之微賤不能脩襲伏念臣積世忠貞風烈猶在

陛下曠然昭明容光必照絲麻必御管蒯不棄臣誠死罪伏惟陛下垂情裁察幸甚

帝嘉之又有三世不脩譜二世無官宦之戒以示後來

諱牧祖字仁幽弱冠為黃門郎與潘岳陸機同署後為成都王

26

左司馬遷青州刺史卒年四十六娶天水尹珣女生二子長曰元標次曰元譚元標孝愍帝時爲長水校尉五胡亂華終于東阿元譚辟琅琊王司馬後除鎮東府軍謀從孝元帝渡江仕東晉自馮翊太守三子分房由是輦維諸程皆出上程侯之後趙諸程皆出曲阿之後濟州諸程皆出東阿之後

論曰漢冀州以來程氏之顯者皆以譜系爲意馮翊三侯知名於武惠之廟功烈文彩無愧績戎至東阿所示子孫之意蓋可攷矣

贊曰三侯翼翼克開我姓有燁斯文維烈無競明明訓迪佑啓群正凡我後人無替哲命

族譜卷之一

欽托山程氏族譜卷之二

世系本始圖

四十五世

四十六世

元譚

仕東晉新安始

彪

祖

超

金源正源

謹按元譚祖為鎮東軍謀晉王即位遣周玘為會稽都尉顧榮為豫章都尉分兵定東土大興三年新定東陽信安六郡底定假元譚節行新安太守綏輯流民疏通畝澮教民孝弟舉俊造於朝欽民大悅永昌元年代還百姓遮道請留竟不得去詔褒嘉之俄頃卒帝聞為之震悼錫其子孫田宅於新安之八縣居

馬是爲黃墩祖生二子長曰彪次曰超

晉新安太守程公墓碑

東晉元帝肇興江左在位六載三改元建武一大興四永昌一
初以周玘爲會稽都尉顧榮爲豫章都尉分兵定東土新定東
陽信安等六郡旣平以鎮東軍謀襄州刺史程公諱元譚爲假
持節新安太守大興二年己卯也良二千石民愛懷之受代請
留竟不得去卒於郡永昌元年壬午也墓在今郡城西十里驛
路之旁歛之程氏自此始墓前有雙石人至今無恙土人因名
其地曰雙石程氏自黃唐三代迄于漢魏世有名人蕃衍碩大
而居于洛水者最盛故天下之程皆出於廣平歛之程氏號黃

墩程自洛水徙東晉而後歎程氏又獨盛於天下蕭梁時有儀
同忠壯公靈洗以武勲顯南史有傳太守十三世孫也至唐有
檢校御史中丞都使公澧檢校祭酒嚴將公洵兄弟八房愈益
碩茂又忠壯公十三世孫也都使嚴將兩房居休寧汧口都使
房又十世而端明殿學士贈少師秘爲嘉定寶慶名詞臣有洛
水集行於世嘗按古跡得太守雙石之墓護視之四世矣大德
改元丁酉秋嚴將房十三世孫深甫歸自北方訊掃汧口先塋
上及忠壯墓而太守雙石之墓卒難物色或者偽爲契券相貿
易矣訪求久之風雨不輟冬十二月十有七日始至其地求墓
道弗能得越十日賴毗隣父老於深雪中微得其處又十日過

其處見浮土覆雙石上麥苗芄芄然深甫以金幣贖之乃會集
親賓剗除耕植自晉壬午至今戊戌一千三百十七年晉新安
賢太守神道始復歸于程氏噫嘻豈不偉哉雙石旣歸而深甫
宗人崧克紹銳意樹表作祠且給守塚者食極其心力用成深
甫之意抑嘗思之古之葬者藏而已矣自有棺槨以來一坏之
土愈富貴者愈不能保其藏曲阜孔林以聖人而後能久吾歛
雖小有古墓四回之先方氏仙翁墓在歛之東鄉後割爲睦邑
在今淳安縣學前自漢至今忠烈廟汪王墓在今郡北七里雲
嵐橋自隋唐迄今然皆不若程氏有晉太守墓又有梁忠壯公
墓居古跡之二而深甫於茲不惟能克復其先墓又能輯睦其

宗而禮遇之凡程姓者不問其爲閣學邁之後尚書大昌之後
丞相元鳳之後一切與進飲食教載無踈遠卑賤之分則何其
用心之篤實忠厚至此極也哉是皆可書以爲後來爲人裔孫
者之勸故特爲之書



大德二年歲次戊戌正月庚寅郡人通議大夫前建德路總管兼
府尹虛谷方回撰

論曰善教之得民心也如是夫今觀元譚公之德政以及於民
而民懷之則古攀轅卧轍之說爲不誣矣豫章慷慨亦世之英
士也歟

贊曰新安惠政宜被聲詩愛其甘
刑我孫枝帝恩元元錫第

黃墩以嗣以續昇我後昆豫章自可允文允武晉安中興載紹

方虎

四十六世

四十七世

四十八世

四十九世

超

榮

馮

廣

信

豐

景通

景平

景秀

謹按超祖辟庾亮征西府後轉謝尚征南軍諮議詔以超為寧

遠護軍安集番禹未行卒生二子長曰榮次曰馮馮字弘記長八尺有勇力以功授衛尉明年出為合浦太守遷零陵太守未至卒生三子長曰廣次曰信次曰豐廣以父沒南海試補衛長穆帝永和三年桓溫伐蜀泝流西上以廣守秭歸令遂留居峽中豐祖為庾水司馬升平中為嘉興令桓溫北伐至河滑以為陳留內史守滑枋頭之役奔還免為民生三子長曰景通次曰景平次曰景秀簡文帝為會稽王以景通典記室及即位除散騎常侍

金源正統

四十九世

五十世


五十一世

五十二世

五十三世

景秀

元鎮



手山程氏方詩元之二

元歆

元雅

元寔

元政

寶昌

寶明

儷

寶俊

寶雲

儷

眞

伉

法備

法成

寶貴

寶倫

寶慈

寶謙

金源正統

謹按景秀祖仕孝武帝太元十七年除荊州別駕生五子長曰
 元鎮次曰元歆元雅元寔元政元鎮逮事謝安為騎曹參軍元
 歆隆安中為餘杭令元雅學顧愷之學極知名宋高祖平蜀以
 元寔行巴西太守元政客丹徒桓脩命為督郵非其願宋高祖
 起兵元政為內應遂斬脩從討桓玄迎安帝皆有功擊盧循徐
 道覆拜領軍長史高祖愛之表以自隨下廣固入長安悉領中

軍使連轉新安建安等三郡太守不加譴也初餘杭人卜祖有武幹與元政元雅有舊薦之高祖從征伐累有功賜之關內侯其子卜天與亦善射高祖由是愛其人及宋王建國推元政左司馬生八子長寶昌次寶明寶俊寶雲寶貴寶倫寶慈寶謙寶明生三子長曰儷次曰奭曰伉儷生二子法備法成寶俊字邦光蚤有令譽寶慈授天法法錄爲道士寶謙學乾竺法爲廬山惠休之徒寶雲及寶貴皆仕宋寶明徙東陽自新安太守至此五世並葬歙縣夫連山

論曰深山廣澤蛟龍雜居百年之族有賢有愚程氏自受姓以來世有顯人而驕滅溺心者蓋未之聞也豈其詒謀之彌裕者

歟何克肖之多也

贊曰粵稽別駕時值孝武啓禎發祥厥嗣惟五宋高平蜀及討
桓玄策力匪躬兄弟後先戡亂定難功在前代凡子若孫式仰

敬賴

五十一世

五十二世

五十三世

五十四世

五十五世

寶雲 仕宋

法曉

隱雋

道宗

道樂

道業



次崇

次超

次熊

次虎 生三子
孝本孝

專孝節

次豹

法通

法達

謹按法曉祖性疎弛好奕棊彈絃初與何承天相善孝建中授海陵令封艾亭侯不喜仕宦秩滿還鄉不調永光中就除本郡丞春秋七十有五娶吳郡顧氏生隱雋字德仕少齒國子授三傳畧通大義起家補兵五曹佐遷太子家令初天祚既降太宗以其子無在朝者乃擢隱雋衛尉俄領龍驤將軍王行中兵叅

軍沈攸之之役詔齊高帝總師禦之以隱雋與荀孔賓郭文宗
等領兵三萬乘輕騎以爲角事平爵始興伯娶齊高帝女蕭氏
生三子長曰道宗齊開領府以爲長史次道樂道業道樂仕齊
道業疏行檢喜任俠不爲名流所歸高帝累言於朝竟無補授
飲酒過量卒於昇平之末生五子次崇次超次熊次虎次豹次
虎三子孝本孝專孝節齊受禪追爵龍驤夫人爲萬載公主道
業諸子皆高才建元中召至京師不願留贈賚幣帛尚書符本
郡鄉閭田之腴者俾食其租由是次崇居方村下里次超居上
里次熊居中里次虎居普合次豹居博村今普合程氏次虎之
後也

論曰我程之文臣武士建功立業者固代不乏人而志薄功名
 趣懷高尚如召至京師不願留者蓋亦可深嘉也凡我孫裔之
 論先世要亦惟其人而已矣固不可一於顯者是慕而忽乎隱
 君子也噫

贊曰定國雍雍翊聖截克劉宗中興絳侯之功始興贊蕭克基
 定霸何彼穠矣王姬下嫁

五十四世

五十五世

五十六世

五十七世

五十八世

道樂仕齊

次茂仕梁

啓

寶惠

靈洗

當伯

天慶





天願

天旺

覺

次恭

次芮

金源正印

謹按次茂祖入梁天監中罷東陽令還家以耕釣自娛沈約為
 言於帝召還除丹陽尹亟轉昭明太子家令與張率對值文德
 待詔省娶南平王室何遜女生二子長曰答次曰覺答祖幼能
 文賦詩多警策以諸生選為司徒左長史累遷散騎侍郎大同
 中以柳惲為秘書監以答為少監嘗為東天竺賦娶吳興沈氏

341

生一子曰寶惠簡文帝爲太子以覺爲右諭德大清之禍死於
京師寶惠祖武帝末年擢太學博士朱异用事誠納侯景乃嘆
曰難將作矣謀舉族還鄉郡諸人猶豫不決俄丁少監憂盡室
歸黃墩時湘西侯蕭隱守歛辟起復爲儀曹掾娶安定胡氏享
年四十八生五子靈洗當伯天慶天願天旺胡氏夫人早孀撫
諸子以至成立其後侯景內噬人皆以儀曹爲有先見之明云
論曰衡颺之激川無恬波崑岡之烈玉石併命儀曹察朱异之
論進審侯景之必叛脫履國門歛跡鄉郡抑天將啓忠壯公之
業以責程宗而誘其衷歟不然則審武子遽伯玉之間張季膺
其人也

贊曰火炎崑岡不辨玉石朱异用事爲禍莫測智哉儀曹明哲
保身急流勇退復歸黃墩相彼蒼蒼用啓厥後忠壯竒勛實惟
陰誘



歙托山程氏族譜卷之二



和山程氏方諸卷之二

九

歙托山程氏族譜卷之三

世系本宗圖

五十八世

靈洗 仕陳

五十九世

文季 開府儀同三司封建安侯

六十世

子承 居北

子嚮

子同

子俊

子敬

子澄

子淋 東宮直闕

金源正源

36

子瑀 居北

子猷 居北

子廉

子思

子元

子壽

子威


子榮

子仁

子成 兄弟五人並居

文積





文華
令小桂縣

文慎
襲封重安侯

文燦
鄱陽太守

州

文秀
居北

文和
居北

文恭
居北

文幹
居北

文翼
弋陽縣令

睦州

金源正印

七十一星天集普卷之三

二

37

7

文曾 居淮

文肅 陽山縣令 居連

州

文奇

文瑾

文養

文愷 建安府司馬 居

建寧府

文瑤 南平陽府中兵

文琮



世系同宗圖

五十八世

當伯一名靈溥歙縣

令

五十九世

道朗

道立一名道明

六十世

思公

六十一世

六十二世

文煥

文昌

文瓚

文堯

文震

居淮

文藻



32

世系同宗圖

三

方成

昭明

昭德

榮

文允

子起

授唐義軍起
補秦王府

長直

路兕

歲威

天慶

一名靈
瀟河西





天願

令

一名靈
浩弋陽

道資

廬州刺
史

惠容

襄陽令

接世

唐上騎
都尉

仲都

唐朝散
大夫

仲舒

驃騎都
尉



惠衷

惠愛

惠成

惠才

接豐

接澤

接緒

接秀

唐雲騎
都尉

39

按王僧辨既平靈洗祖遂與陳武帝定君臣之義永定中隨周
文育西討王琳敗績於沌口爲琳所拘明年與侯安都等逃歸
詔兼丹陽尹出高唐二郡太守仍領南陵遷太子左衛率武帝
崩王琳潛軍東下靈洗於南陵破之虜其兵士及獲青龍十餘
乘以功授持節都督南豫州沿江諸軍事信武將軍南豫州刺
史侯瑱等相次敗王琳于柵口靈洗乘勝逐北據魯山徵爲左
衛將軍餘如故天嘉四年周迪寇臨川以靈洗爲都督自鄱陽
別道擊之迪走山谷間五年遷中護軍常侍如故出爲使持節
督郢巴武三州諸軍事宣殿將軍郢州刺史廢帝即位進號雲
麾將軍華皎之反也遣使招誘時

金源正印

朝廷倚靈洗以爲重聞有使旨中外方恐懼會靈洗斬皎使以聞
由是忠赤暴白士心歸仰

朝廷深嘉其意增其守備給鼓吹一部又遣其子文季領水軍助
防是時周迪遣其將元定率步騎助皎攻圍靈洗嬰城固守及
皎退乃出軍躡定定不獲濟江因以其衆降遂攻周迪沔州克
之擒其刺史裴寬以功進號安西將軍改封重安縣公增邑前
後二千戶復加司空兼丹陽尹光大二年薨於州贈爲鎮西將
軍開府儀同三司謚忠壯靈洗性嚴急御下甚苛刻士卒有小
過必以軍法治之造次之間便加箠楚而號令分明能與士卒
分其苦衆亦以此歸附焉大建四年論佐命功以周文育侯安

都及靈洗方漢三傑詔配享武帝廟按歙縣圖經志忠壯公宅
在黃墩湖二里俗呼相公宅墓在湖西北俗呼相公坛又浴馬
池射蜃柵鼓吹臺基址具在黃墩湖濶二十餘丈長三百步初
湖有神嘗與呂湖蜃鬪忠壯公有勇力善射夜夢玄衣道人曰
吾累爲呂湖蜃所困明日當復來玄滌能助我當有厚報公曰
何以自辨道人曰束白練者我也夢中諾之明日集村中少年
鼓樂于湖上須臾波濤洶激大聲如雷有二牛奔鬪其一甚困
而肩且白忠壯公彎弓射中黑牛俄而陰晦復明湖水皆變明
日里人見有蜃斃于吉陽灘下即呂湖蜃也號其灘曰蜃灘未
幾忠壯公偶出有一道人訪其母丐食母爲設饌食訖謝曰勞

母設食無以爲報吾善識墓地俾乃母隨行至山中以白石誌之曰葬此可以暴貴言畢而去忠壯公用其言遷葬其處墓在湖北黃牢山南有楮木大且十圍鄉人立祠木下號千年木忠壯公夫人董氏媵妾二十餘人性好播殖躬勤耕稼至于水陸所宜穫刈早暮雖老農不及也嬪媵無遊手並督之紡績至于散用資財亦不儉吝蓋其性然也子男二十二人夫人生文季文華文禎文秀文藻諸姬生文慎文燦文和文恭文幹文翼文曾文肅文竒文瑾文養文愷文瑤文琮文震文堯文瓚按文禎天康中爲招遠將軍行義安郡太守忠壯公加班劍授持節桂州諸軍事桂州刺史臨安縣開國侯食邑五百戶尚武帝長興

公主加駙馬都尉留衛京師生五子曰子壽子威子榮子仁子
成子壽襲侯餘以公主子穰負皆拜官陳平入隋不得志闔門
不仕文華補小桂令遷太子舍人文秀爲尚書選部郎文藻爲
光祿勳文慎鄱陽王府中叅軍文藻猿臂善射其母鄱陽周氏
忠壯公之討周迪也袁燦留代鄱陽



朝廷擢授威遠將軍行鄱陽太守文瑾爲壽昌令文琮爲南平王
府中叅軍文瑤爲建安王司馬文瓚爲餘干尉文和文幹文愷
文震早卒文恭累官至太子左衛率文翼弋陽令文曾鎮北府
曹曹文肅海寧令文竒假左郎將使高麗渡海溺死文季字少
卿幼習騎射多幹畧有父風弱冠從父征討必前登陷陣忠壯

公將周文育侯安都爲王琳所執武帝召陷賊諸將子弟厚遇之文季最有禮容深見嗟賞永定中累遷通直散騎常侍句容令世祖即位除宣惠始興王府限內中直兵參軍及忠壯公薨文季盡領父衆起復紹武將軍仍助防郢州性至孝雖軍旅奪禮而毀瘠彌甚臨事謹飾御下嚴整前後所至城壘率皆迺水爲堰土木之功動踰數萬置陣役人必身先將吏夜卧早起汜幕不息軍中服其勤幹每戰必自領前鋒齊人深憚之謂之程彪以功加散騎常侍帶新安內史進號明威將軍增邑五百戶又進號武毅將軍八年爲持節都督譙州諸軍事安遠將軍譙州刺史其年又督北徐仁州諸軍事北徐州刺史餘如故九年

又隨明徹北討於呂梁作堰十年春敗績爲周所囚仍授開府儀同三司十四年自周逃歸至渦陽爲邊吏所執還送長安死于獄中是時與周絕不之知也至德元年後主方知其的贈散騎常侍重安縣開國公詔曰文季纂述國緒克振家聲早歲出軍雖非元帥啓行爲最致果有聞而復喪車徒早從削出但靈洗之立功捍禦久而見思文季之埋魂異域有志可憫言念舊勞傷茲廢絕宜存廟食封重安縣開國侯食邑一千戶以子嚮嗣封謚曰威悼侯夫人王氏生九子曰子承子嚮子同子俊子廉子敬子澄子瑀子琳歸周娶蘇夫人生三子曰子猷子思子元後主詔訪諸子時子承早亡子同子澄并執于周即以潯陽

太守子嚮爲新安內史襲侯文禎明年領兵戍京口丞相張悌
素與儀同不相平任忠又惡子嚮於悌悌言於後主罷兵歸朝
子嚮日飲醇酒佯病狂以免禍隨晉王入陳百官泥首請死晉
王召子嚮慰之曰陳忘爾祖父功甚矣卿久病良苦子嚮俯伏
涕泣對曰家國之事一至於斯承大王之明得自早裁下臣之
幸也晉王爲之歛容入隋授開府子俊至德中爲長林丞子廉
東宮左衛率子敬豫章王府中兵參軍子琳隨文帝時爲江夏
尉子瑀爲平恩令儀同之禍子同子澄子猷子思並見難蘇夫
人得免遺腹子子元子元寄食舅家少長嗜學爲太學生其後
王通以大儒知名於汾晉間子元徃師事之通之門人數百人

子元最爲通所鑒識號稱入室唐貞觀初房玄齡杜如晦言于
太宗帝有意于召見之矣會子元病卒于家

廣烈侯忠壯公誥勅

金源正統

勅徽州路歙縣忠翼匡濟孚祐廣烈公程嬰裔孫程靈洗古之所
謂鄉先生歿則祭於社而况於捍災禦患功被一方者乎尸而
祝之百世不朽爾少有勇力便騎善射湖蜃爲妖率衆保境義
動南土勲蓋當時歷佐儀同錫名忠壯廟食黟縣光華至今靈
貺益昭致藪有實祀以爵秩爰自茲始歆我茂命尚佑彼民可
封廣烈侯奉

勅如右牒到奉行

寶慶三年九月一日下

加封廣烈孚祐侯誥詞

勅徽州府歙縣世忠廟廣烈侯神明之祀必有可紀而世著德者其靈長節稱忠者其烈顯尤褒表所宜先也爾派嬰華胄爲梁蓋臣雄槩英規炳在信史如發矢清妖設籌誘逆平嗣徽之難拒侯景之兵千載之下猶凜乎與秋霜爭嚴水旱疾疫禱則隨應蓋其精多而用弘使然也爰增二字之封式慰一方之願唐人常謂賦出天下而江南居十九歙爲富州今歙非昔矣然爾視之則故父母國也其益安我民還歙于豐爾之祀克永世矣可特封廣烈孚祐侯奉

勅如右符到奉行

淳祐十二年四月

日下

梁將軍程忠壯公靈洗碑

金源正印

陰陽愆違水旱不節誰其序之天災流行人物疵病誰其禦之
明爲人福幽爲神助誰其尸之凜凜乎克當其任者其忠壯公
之神歟公姓程諱靈洗字玄滌其先出於黃帝重黎之後自伯
符封廣平郡四世休父仕周宣王爲大司馬十四世嬰晉景公
有寄死託孤之功封忠誠君又三十一世元譚仕晉元帝以襄
州刺史持節江南爲新安太守有詔賜第于歙縣城西子孫遂
以爲桑梓故世爲黃墩人又八世法曉仕宋爲海寧令又三世

道樂仕齊爲承議郎又四世寶惠仕梁爲本郡儀曹公視之元
譚十三代也寶惠娶安定胡氏有子五人而公乃主器公性寬
惠孝于親友于弟待群下以恕處鄉黨以義別嫌明微定是正
非人無得而誰何者所居之傍其湖深廣有潭而神居焉與呂
湖爲隣呂湖有蜃素爲居民之害湖之神一夕爲黃冠道士示
夢于公曰呂湖蜃稔惡于此地久矣不早圖之民其魚乎明日
吾復與戰披白于肩者吾也以公義士敢以辱公倘爲吾助報
德敢後公果率鄉之少年鼓譟于湖側而候之頃刻湖水浩蕩
雲霧隱暗而二牛觸鬪于灘上肩白者屈公挽弓發矢中彼黑
牛俄而晦朗湖清波濤澄靜居更夕有巨魚死于吉陽灘下即

呂湖蜃也至今號其灘曰蜃灘自是呂湖漲塞而民之害除矣
越數日有一道士扣門候公公爲具饌道士曰公嘗有德于我
矣今又勞雞黍之勤吾何以爲報吾素習天機書能卜善地當
隨我行至黃牢山白石識之曰遷此地可以暴貴矣公於是爲
太夫人壽塋焉梁大寶間侯景之亂公據黠歙嘯徒以拒之景
軍屯新安太守蕭隱奔依焉公奉爲盟主景於是不得而陸梁
也其後平徐嗣徽破王琳走周迪敗華皎降元定進克周沔州
擒裴寬與士卒同甘苦雖節制甚嚴而人樂爲用大清承平間
除雲騎常侍建威將軍累遷新安丹陽太守歷譙州青州豫州
刺史巴丘縣侯封邑一千戶陳受梁禪事高祖爲佐命功臣與

周文育侯安都號爲三傑以功授蘭陵南陽太守封遂安縣侯
遷太子左衛率至世祖時爲豫州刺史左衛參軍持節西道都
督授司空公封邑二千戶鼓吹一部班劍四十人又遷忠護軍
出都督郢州刺史廢帝即位進雲麾將軍封重安縣公卒贈鎮
西將軍開府儀同三司配享武帝廟庭謚曰忠壯公夫人董氏
生子二十二人其長子文季有高烈附傳於公後餘皆以功顯
於世今程氏散居四方者其後皆出於黃墩家譜載之詳矣茲
故可得而略也初公微時有聲名氣節達於朝廷常自負鐮視
田而詔使踵門公置鐮水中以卜休咎果得吉卜今尚有鐮卜
坑焉其旁則公之宅也今衆水所瀦惟湖水清瑩可鑒時有巨

魚聚遊其中人不得而漁焉號曰相公湖又不數百步公之墓也公嘗自營其兆域以帛縑埋之墓下嘗祝之曰吾子孫有能大吾門戶當生巨木以爲休證旣而有二大楮木生焉合大且十圍其一不知何代爲風雨所樞傍生二枝亦合抱矣號曰千年木鄉民遂于其下疊石爲坛以奉祭祀號曰相公坛公生爲黃墩人歿爲黃墩神祈雨而雨祈晴而晴瘟火疾疫有禱即應黃墩之民受公之庇不淺矣曰牛一曰羊一曰豕一與夫脯醢之薦莫不時謹故自夏四月至于秋八月土鼓鼗磬不絕其聲展敬乞靈于祠下者又百餘社陳奠祭祀何其虔也公之坛與里之社接宇春秋戊祭以公配焉公之功德其與勾龍氏相爲

終始乎暨今數百年而益大廟貌輪奐之美得其時制乃大合
樂以慶落成董其事即有鄉之父老焉故凡謁于廟者皆願豐
碑以誌公之始末里人方汝舟實贊成之且願捐金刻石求記
于麟惟公歷任兩朝功業之著本傳載矣雲仍誦誦以文章登
顯仕者代不乏人固有能發其潛德之幽光以傳不朽而乃屬
之于麟其不贅乎蓋嘗證之於夢寐而僉謀所憑其何敢不勉
謹按圖經史傳所載與夫鄉老所傳聞端拜而書之庶幾使人
益知嚴奉永永不懈亦使訪古者有所攷焉昔

嘉熙己亥季秋既望郡庠經諭胡麟記

論曰忠壯公以忠節感慨躬環甲冑以定國難本不期于功名

而功名自至觀其始終勤儉則知所以貽厥子孫者不爲無法也自是之後胤嗣蕃衍黃墩稱江左甲族矣

金源正印

贊曰於赫忠壯以節自起濯濯厥靈發我夢寐旣挾我徒有瀾湖水載張我弓載挾我矢發不虛中妖應弦斃奕奕黃墩賴我以存卜兆旣吉俄登時艱叛胡猖狂犯我國門以衆自保郡侯來奔旆之央央載弁以韋歸馬自牧戎車日脂陳宗旣開授我節越卒靜時艱忠存耻雪推轂于外四方爰發配陳高祖有顯斯烈於乎我姓世載順德開府陷敵誓不居北肆有遺祿重安載國

陳程都督文季公本傳

程文季字少卿幼習騎射多幹略果決有父風弱冠從靈洗征討必前登陷陣靈洗與周文育侯安都等敗於沌口爲王琳所執高祖召陷賊諸將子弟厚遇之文季最有禮容深爲高祖所賞永定中累遷通直散騎常侍句容令世祖嗣位除宣惠始興王府限內中直兵參軍是時王爲揚州刺史鎮冶城府中軍事悉以委之天嘉二年除直毅將軍新安太守仍隨侯安都東討留異異黨尙文政據有新安文季率精甲三百徑往攻之文政遣其兄子瓚來拒文季與戰大破瓚軍文政乃降三年始興王伯茂出鎮東州復以文季爲鎮東府中兵參軍帶郟令四年陳寶應與留異連結又遣兵隨周迪更出臨川世祖遣信義太守

余孝瑱自海道襲晉安文季爲之前軍所向克捷陳寶應平文
季戰功居多還轉府諮議叅軍領中直兵出爲臨海太守尋乘
金翅助父鎮郢城華皎平靈洗及文季並有捍禦之功及靈洗
卒文季盡領其衆起爲超武將軍仍助防郢州文季性至孝雖
軍旅奪禮而毀瘠甚至大建二年爲豫章內史將軍如故服闋
襲封重安縣公隨都督章昭達率軍往荊州征蕭歸歸與周軍
多造舟艦置于青泥水中時水長漂流昭達乃遣文季潛道戢
輕舟襲之盡焚其舟艦昭達因蕭歸等兵稍怠乃遣文季夜入
其外城殺傷甚衆旣而周兵大出巴陵內史雷道勤拒戰死之
文季僅以身免以功加通直散騎常侍安遠將軍增邑五百戶

五年都督吳明徹北討秦郡秦郡前江浦通塗水齊人並下大
柱爲杙柵水中乃前遣文季領驍勇拔開其柵明徹率大軍自
後而至攻秦郡克之又別遣文季圍涇州屠其城進攻盱眙拔
之仍隨明徹圍壽陽文季臨事謹飭御下嚴整前後所克城壘
率皆迮水爲堰土木之功動踰數萬每置陣役人文季必先諸
將夜卧早起迄暮不休軍中莫不服其勤幹每戰恒爲前鋒齊
軍深憚之謂爲程虎以功除散騎常侍明威將軍增邑五百戶
又帶新安內史進號武毅將軍八年爲持節都督譙州諸軍事
安遠將軍譙州刺史其年又督北徐州諸軍事北徐州刺史
餘並如故九年又隨明徹北討於呂梁作堰事見明徹傳十年

春敗績爲周所囚仍授開府儀同三司十一年自周逃歸至渦
陽爲邊吏所執還送長安死于獄中後主是時旣與周絕不之
知也至德元年後主始知之追贈散騎常侍尋又詔曰故散騎
常侍前重安縣開國公文季纂承門緒克荷家聲早歲出軍雖
非元帥啓行爲最致果有聞而覆喪車徒允從黜削但靈洗之
立功捍禦久而見思文季之埋魂異域有足可憫言念舊勞傷
茲廢絕宜存廟食無使餒而可降封重安縣侯邑一千戶以子
嚮襲封

嚮襲封

金源正印

史臣曰程靈洗父子並御下嚴苛治兵整肅然與衆同其勞苦
匪私財士多依焉故臨戎克辦矣

50

世系本宗圖

六十世

六十一世

六十二世

子嚮仕隋

翻

公順

公頡

公頰

公顥

公顯

詡

謹按子嚮祖入隋拜開府帝召見從容訪以江南風俗及六代得失子嚮敷奏有旨風采可觀帝甚悅詔以為太子少傅封平樂子帝曰煩公剛正輔吾子之所不逮其後太子勇以罪廢左

遷揚威將軍丹陽內史煬帝即位徵還卒生二子長曰翻次曰
詡翻字長虞博學有文章開皇末補衛長出爲蓋屋令生三子
長曰公順次曰公頡公頡公順早卒公頡得餌芝朮方逮顯慶
中百歲公頡有唐舉知人之術蕩遊河朔爲相州人詡字幼虞
兄弟同受學于從父子元而詡操誼深謚不以世務經慮楊素
蘇寬累辭請不起大業中天下瓜裂還鄉里以經術教授群盜
往往釋兵求肄業焉詡通五經尤喜爲易說著易論十卷有乾
元亨利貞論最爲儒者所推可虞世南每資以爲談助其論大
槩以體用爲說其文辭應于理理該于意爲不謬於聖人云生
二子長曰公顯次曰公顯公顯唐龍朔中爲長林令

金源正源

論曰白心不可以事一君惟一心可以研諸慮商周之際裸將于鎬京之廟者夫豈無毫之遺人哉女不踐二庭再醮而不失其正者有矣士不造兩朝薦拔而不失其忠者有矣詩曰我心匪席不可卷也其平樂之謂歟

贊曰楚實生才晉則有之倒持太阿敵人之資平樂翼翼知名兩國不僭不回古之遺直

六十三世

六十三世

六十四世

六十五世

六十六世

公顥仕唐

絢

南金

元浩

元諫

季隨

南銳

咸





			季隨	六十六世				
			繹	六十七世			綸	
		昔範	西範	六十八世			南美	
	匡柔	秉彝		六十九世	恭	溫	平	辨
造	適	建	延	七十世				九臯



毛山星天矣普

七

55

行褒

謹按公顥祖以賓客事齊王元吉府魏徵知其爲人府罷出補長林令及徵在選部州上長林考第一代還遷大理評事久之試監察御史太子承乾之廢左遷括州別駕高宗即位稍遷忠州刺史娶左丞劉洵女生二子長曰絢次曰綸綸上書武后釋褐除商洛尉卒生一子曰南美南美生三子曰平温恭平開元四年除臨海丞絢以蔭補太子左清道終于左馮翊司倉參軍娶岑文本姪女生二子長南金次南銳南銳睿宗光天二年攷功裴庭昭進士下擢第再登宏詞科授萬年尉徵爲國子監丞內供辨開元中爲薛王府中兵參軍生一子曰九臯擢明經第

稍遷岐州扶風尉俄命爲大理評事遷監察御史裏行終於大理寺卿諱南金字楚貢睿宗爲相王以衛士事王府開元中鬱鬱不得志求補外授長林令生二子長元浩次元諫元浩登武科弱冠從軍河朔以趨捷聞安祿山反郭子儀領河朔節制拜定州刺史諱元諫字仲幾開元二十七年侍郎崔翹下擢第再選藍田尉累遷左著作大理司直越騎都尉汾州巡官入爲衛尉卿京兆少尹終密州刺史所蒞有政跡娶秘書監丞王建女生一子諱季隨字公執天寶十載侍郎李麟下擢第安史猾夏避難江東永王璘請爲司馬浙東辟支使皆不赴韓滉鎮金陵奏爲監察御史節度巡官郭子儀領安西兵辟安西府堂書記

轉殿中侍御史賜緋銀魚內罷入爲膳部員外郎俄遷三客郎
中出知括州徙潭州大都督府長史年七十四娶駙馬都尉郭
暖女生一子諱繹字文純以公主甥補千年長史在安西以贊
禪功除一子官試朝議郎京兆府功曹參軍累遷朝散大夫行
醴陵令以政尤異詔曰具官某誠動於物才通於時五陵豪傑
絕雄張于里閭三輔孝悌弘禮讓于風俗京邑翼翼四方之極
擢在繁重期於肅清可選授長安令散官如故久之遷秘書省
著作佐郎行高陵令生二子長西範次昔範西範字子整應進
士舉當時有名昔範字子齊兄弟幼孤自立力學能文憲宗元
和十四年舍人庾承宣下擢第初赴舉時嘗著程子中謨三卷

京兆韓愈一見深相器特為延譽于主司曰程昔範不合在諸
生之下其年不第士論以為枉擢第為集賢院正字從事涇原
軍太師李逢吉為相時見其書特薦拜左拾遺朋黨事起坐李
公之累堙厄累年而卒娶太常卿顏恪女生三子長秉彛次匡
柔次行褒劉婁領曹置揚州鹽鐵留後院辟秉彛為判官累授
大理司直生二子曰延曰建延以能詩知名匡柔議論宏偉不
樂仕宦以春秋教授鄉里子弟生二子曰適曰造嘗著大唐補
記三卷行于世

金源正印

贊曰高陵豈弟胄出天潢垂裕後人彼美甘棠烏府秉直載侯
順德逢時之缺中謨承式

六十九世

行褒

七十世

諒

七十一世

嚴

七十二世

沈

七十三世

愿

恣

思

息

郢

球

一子端

二子仁祚
今祚

二子日原
日厚


榦

忠

濟 汶 僅 仔



折山程氏



翰 纂

齊

慈

惠

饒

仿


似

侶

僖

秘

章



鎮

立

果

一子留

掖

裕

Vertical text on the left margin, partially obscured.

中 阜

寬

餘

演

從

謹按行瑗祖字谷神世亂家貧不能調官事本郡為典籤參軍
 轉諮議生四子曰諒曰翰曰纂曰翰諒生一子曰嚴嚴生三子
 曰汎濟汶陶雅在欽州汶為決曹掾翰生三子曰忠惠慈忠字
 匪躬以字行昭宗龍紀二年舍人趙崇下擢進士第授藍田尉
 生四子曰僅曰仔曰似曰僖惠一子曰侶慈二子曰似曰仿翰

二子曰齊曰從齊生三子曰饒曰寬曰餘從一子曰演

論曰楊雄有言周之士也肆秦之士也拘大抵世之汙隆士習繫之唐之文物跨越兩漢十年最永肆我程氏時有顯人初進士科始於隋盛於唐不由此進時以爲耻迄唐之世程氏顯者十有三人而本房居其四嗚呼真世烈也夫

金源正源

贊曰黃墩詡詡有烈有文丕顯于唐桂枝詵詵東密糾糾南土之秀序我世烈式傳于後

歙托山程氏族譜卷之三



抄山和以方言
卷之三

三

歙托山程氏族譜卷之四

世系本宗圖

七十世

七十一世

七十二世

七十三世

七十四世

纂

瓊

嵩

岑

播

行之

百之

坦之

璿

詵

新

溱

立

纂



57

荃茂蕢

和許譔

謂

珍

字席儒生
八子又云
十子曰清
曰渝


洎

太子洗馬


大雅


勝

四世生都
官和公作
程氏世譜
三十卷



汾		洵		湘			渾	
		<small>居汭口</small>		<small>遷婺源</small>				
彥斌	陳	孫	全臯	全禮	朗	鄆	邵	季
延美			嗣遜	嗣恭	宗遇			
			<small>三溪里上港頭</small>	<small>自墓嶺遷長逕</small>				





毛里氏英普余之可

三

			璜					
岫			峻					
	顏	靚	佚	彥材	彥榕	彥樞		
		拱			延拓	延緒	延堅	延春
							遷槐塘	延長



遷槐塘

54

嶧

粹

實

秀

譚

文簡公琳其後也

淑

明道伊川二先生乃其後也

訓

英

員

瑩

峴

峒

豐

謹按纂祖字思襲自號逍遙子註老子道德經列子冲虛經澹


泊世味享年九十一生四子曰瓊曰璿曰珍曰璫瓊生二子曰
嵩曰岑珍生八子曰洎曰沚曰澤曰澧曰渾曰湘曰洵曰汾璫
生五子曰峻曰岵曰嶧曰峒曰峴峻終殿中侍御史淮海行軍
支使璿生二子曰詵曰謂嶧生四子曰粹曰實曰英曰秀秀生
二子長曰謹次曰淑謹生新贈太師新生贊明神童及第官至
縣宰贊明生元白贈異國公元白生五子長太常博士瓘次瑗
次琬次中書平章琳謚文簡次光祿寺丞琰是爲蔡州房淑生
兵部侍郎羽贈少師羽生希政虞部員外郎希政生三子長適
贈開府次適寺丞次道適生三子長大中珣次郎中璠次都尉
琬珣生二子長顥是爲明道先生次頤是爲伊川先生是爲河

南房觀此則兩房北遷當在五季歐陽文忠公撰異國公墓銘
云中山之程出自靈洗實昱裔孫仕於陳季陳滅散亡播而北
遷公世中山爲博野人二程家傳載伊川家傳誌銘云按其始
末本出中山安鄉侯昱之後至元譚仕晉賜第于新安遂居江
南陳亡子孫有復徙中山而從祖居者故世爲中山博野人高
祖封少師羽厭五代河北多亂葬者將謀居醴泉宋太宗朝以
輔翼功贈第京師始爲開封人嘉祐初塋祖於伊川因居河南
故稱河南程氏觀此則兩房北遷在陳亡之時於是中山之程
出自靈洗又可以證之歐陽公而無疑矣

論曰五季之亂衣冠之族蕩析離散無有紀次而我程姓班班

有顯於時幸矣

贊曰維忠壯公之裔兮是以有譽處兮維其有之是以似之



歙托山程氏族譜卷之四



木上系印方吉口方

歙托山程氏族譜卷之五

世系本支圖

七十二世

泚 龍山始祖

七十三世

旭 字明甫

七十四世

宥 位八一名從魁

七十五世

旦 晉七字昇華

七十六世

忠

香 五世孫曰如年十八

登第授居仙令

靖 惠十長者

竦 字端禮

輔堯 遷新山

慶吾

讓 晉十一

明祖遠公續編



62

珠 字

瑤 字

生

玠 位九一名

八十世

七十九世

七十八世

七十七世

七十六世

天澤

孝恭

孝本

千八

晁

晟

時顯

時可

時言

濤

天倪

紳

靖

竦

遲

霖

時行

寬 字允吉





時謙

源

時茂

時遇

時立

斌

五居士繼

友聞

居橋下

友諒

為從政

北

友直

居溪北

金源正派

謹按唐祖沚公僖宗時以黃巢別部入黃墩族人解散遂偕其弟三十公移居開化龍山初到鎮岡頭弛擔四顧待天大雪兔

63

打山程氏方音卷之五
二
視下干雪獨不聚心因有感以爲地氣溫厚遂卜居焉生二子
長盈其後遊宦愛湖湘之勝遂居於彼次旭字明甫嗣洵京密
巖將一日因往桃林庄所遊獵峽山陳得明子千二千三爲僕
從之時白晝忽遇虎咆哮前來公曰爾能食我乎不則當斂跡
去虎遂蹲踞若伏公威明者公遂騎以歸後以壽終于正寢威
靈爲神血食遠近宋開禧年間淮邊田太尉與虜戰勝負未決
神于虛空中揭旗助順撒紙虎入虜陣中即成真虎虜遂辟易
而北旗上又揭該鄉貫姓名邊間以聞於朝有

旨行下州縣所屬鄉都物色時嶺下王氏執役吝費省事申無此
神後有傳聞寧廟玉音謂此必山巖之將也因稱巖將大王嘉

熙戊戌玉山韓祥中書趨朝因其父拙堂謀葬一深山本處虎
狼淵藪嘗禱其神得屏跡獲辦喪事得神之惠遂陳奏准賜顯
佑塋下于前岡大楮木下祖妣李氏生二子長曰宥次曰玠一
名應墓俱在下于苦岡塢宥子三長曰旦次曰讓次曰生旦生
子四曰忠曰香曰靖曰竦竦生二子長曰紳次曰寬寬生五子
時行時謙時茂時遇時立



論曰猗歟休哉止公之德之不可及也夫以王公之胄澹然於
勢位焔烈之中人無得而名焉所謂敬止穆穆克開厥後是已
若旭公之勲業赫然當時垂休後世使斯人至今頌德不衰食
福無斁者謂非無競維烈者乎噫爲我後昆其尚思祖澤之不

64

不哉

贊曰莫爲之前雖美弗彰泚公肇基寔耀其光莫爲之後雖盛弗傳旭祖纘緒寔值其賢於皇二祖開我後人令聞不已錫福繩繩言念來昆敬止夙夜繼序不忘庶幾永世

開化龍山顯祐廟碑

方烏山撰

程之先有大功於趙

國朝聖聖神神傳緒無極究厥所元微夫人力不及是於是廟於絳爵誠信侯自元豐始有曰靈洗者仕梁爲相國謚忠壯墓祠于歙邦人神之於是廟於黃墩賜號世忠自嘉定始淳祐二年七月詔衢州開化縣立程巖將之廟于龍山額曰顯祐從其邦

人之請也按程譜曰嚴將諱旭字明甫國初人誠信忠壯之裔嘗出畋而遇虎騎以歸呼家人語之曰吾死當爲明神後塋龍山歲適苦旱見夢父老曰吾爲祈於帝得旨矣厥明早雨歲以大熟自是鄉有困厄必禱於墓疫癘而飲土以愈寇盜而見旗以捕蝗飛而倏滅苗稿而復甦此其靈響之大略也聞諸典禮有功於民則祀能捍患禦災則祀謂忠臣烈士也自淫巫瞽史之說起蜿蜒虺蜴之微皆加以像設豕蹄卮酒之奉率寄之禍福詭異誣聖浮怪失經朝廷徒以民故影響附會隨其建請而加封崇焉於是禮典龐而民志亂矣若神之世牒有功於開國之先神之英靈肇跡於建國之時與國同一氣脉則爲國捍患

禦災于以迓續民命萬年無疆列聖在天克有九有之師神其
與饗之巍然廟食三方相望豈他祀比哉都顯號極封品其誰
曰不宜乃爲祀神之歌以侑牲俎焉其詞曰

猗鼻祖兮造皇基微一孩兮蘊而倍之歷千餘年兮始大分玉
葉兮金枝宋靈德兮在天伯休父兮裔亦綿血食兮宜與饗况
軒冕兮蟬聯偉爾孫兮特起捋虎頭兮鞭虎之尾虎逝焉兮安
歸儼英烈兮已不死顧力重兮遊帝居請于帝兮願爲國邪匪
邪國兮民實司命凶禍沴災兮其甦塊土兮扁倉神旗指兮蚩
尤遁藏癘鬼兮避三舍何憂畏兮旱蝗渺晉絳兮胡封六龍移
御兮東南爲宮祖拱扈兮蹕所孫率職兮焉從歛衢兮近只歸

雙廟芳雄峙與國兮同休永相我民兮自今以始

七十八世

時謙 始

七十九世

富

八十世

蘭

八十一世

盛

八十二世

宣

辛 一子曰松
遷池州

勝

康

金源正源

庸

八十二世

宣

八十三世

椿

八十四世

道

八十五世

勗

八十六世

永大

永正 居縣

晁

顯明 居潛山
縣北門

66

顯祐

杲 遷曹州

謹按旭祖五世孫時謙公字嘉厚豁達多材幹常以尊祖敬宗
 為心乃遊於歙道經長源托山雅愛其山川之勝遂徙自龍山
 而居於此時宋崇寧四年事也孺人鄭氏合葬於瑤坑之陽子
 一曰富公字宗禮克承先志以勤儉植家娶孺人汪氏葬株樹
 塢子一曰蘭公字芳遠娶孺人鮑氏生子二長諱盛次諱勝勝
 二子曰康曰庸盛公字德甫娶孺人胡氏咸能紹述前圖而業
 益昌大矣亦葬株樹塢子二長諱宣字邦化娶孺人鄭氏次諱
 辛生子松遷居池州宣公子諱椿字文芳號虛白涉獵經史杜

門著述有虛白詩集娶孺人許氏塋大樹下椿公生子諱道字
孟由娶孺人吳氏塋廳屋後道公生三子長諱勗娶孺人洪氏
繼胡氏亦塋株樹塢次晁元至大間以明經授潛山縣尹有惠
政民懇留之遂家焉次杲遷曹州勗公生二子長即吾祖永大
公字仁勝娶孺人方氏繼汪氏合塋瑤坑次諱永正居黟

論曰易謂雲雷屯君子以經綸其我祖時謙公乎夫當天造草
昧之餘而處仁遷義種德于身又有子克家敬承厥緒俾忠壯
公巖將公之聲名耿然如在書云丕顯丕承傳云光昭先人之
令德者公其有之矣

贊曰風詠椒聊雅歌瓜瓞締造維艱無競維烈猗歟我祖昔在



中葉卜居托山有震且業式穀似之光昭譜牒佑我後人咸正罔缺

嘉厚公傳

公諱時謙字嘉厚其先世居歛之黃墩六世祖泚公次子旭公嗣淘東密巖將蕪領開化龍山遂于下干居焉公幼穎悟邁等輩不逐群兒嬉戲既長則慨然興桑梓之懷乃常遊于歛道經托山盤桓四顧見其山谷環聚土田膏腴八壟森列如拱源頭活水如帶遠眺則黃山松蘿金竺天馬近俯則南塘北野駝石印墩咸若有天造地設於其間者又其後有三台山之秀巨石僊踪之奇屏列擁護若負宸然公曰是可爲子孫不拔之基矣

昔太王遷岐姬周始王今卜居此吾後其昌乎故至今謂托山
程氏自公始也公精悍有材幹其初至也鄉人莫不畏憚相下
之然歲時伏臘公恒置酒召鄉人飲乃鄉人亦遂置酒酬答與
公相往還甚相洽也然公卒以閔閔自高諸所行事不與鄉人
伍鄉人亦莫有能右之者晚年手錄譜圖一冊付子富公爲後
徵云噫此晁得于祖父相傳之畧耳公之規模蓋宏遠矣肇基
業於落落難合之中而有以增其式廓莫子孫百世之基於今
維福維祿彌熾彌昌何莫非公之餘慶也若公者真人傑也哉
大德十年歲次丙午仲春月裔孫晁頌首百拜謹撰

文芳公傳



程之先固重黎之後也歷周秦漢晉梁唐以迄于今雖顯隱殊途其行業文章昭當時而名後世者代有聞人若托山時謙公五世孫有諱椿字文芳者幼穎敏旣就傳即日受書數萬言即欲盡讀古人書斤斤然如老師學究不欲尋常佔畢作章句儒也遭國不造不樂進取乃顓志史籍杜門著述者三十餘年凡一切紛華軒冕舉世所欣豔沉溺而不悔者公視之若深澗焉所居有軒扁曰虛白夫人惟無欲斯虛虛斯明明斯白生矣白色之初也俄而青黃俄而丹朱以墨涅且緇矣公所謂完厥初者歟昔予與公爲文會知公爲稔嘗諷公仕以行所學公曰吁某非果於忘世者顧今非其時耳茲公之卓見獨行非勉強一

時者倫也予以咸淳四年登名仕籍又後四年公遂沒世又後三十餘年公次孫曰晁舉明經爲潛山尹則公之厚積未施者咸於晁發之語曰不于其身于其子孫信哉公可謂有後矣今年春公元孫勗持公所著虛白詩集請予叙予信公之學博而文不宜泯焉無聞也謹述其大者爲之立傳云

皇慶元年歲在壬子仲春旣望弘齋曹涇撰

仲昭公傳

程仲昭公諱晁時謙公七世孫也少承祖父之訓業儒謀道不事家八生產旣長負笈從師涉獵江墳嘗受學於婺源程復心先生之門復心者一時儒宗也公從之悉得其所學博而知要

文而不浮乃其志則豐豐焉有憂天下之慮抑或謔當世懸河
吞夢方無人也於是應明經制獲舉于鄉遂宰皖城之潛山公
曰嘻一命之士苟存心於愛物於人必有所濟矧茲百里攸寄
不益重且大乎乃秉志蒞任積誠不欺凡所行政專於愛民而
持之以公勤于庶務而將之以慎審於泉布而守之以廉曾不
踰年而汪濊之澤浹於四郊清白之譽馳於當道矣未幾以勤
瘁卒於官民哀之若喪父母秉軸者方欲柄用之而公以不起
聞矣子二曰顯明顯佑顯明遂留潛山家焉嗟夫古之仕者以
官爲家長子孫今之仕視若傳舍耳然或不得志則猶般傲泉
石以終其天年公獨不永年忽焉以沒素履宦績聞爾無聞噫

惜哉予與公同郡且同研席可謂曰知懼公之行業久而不傳也故為立傳於右以俟

贊曰胡然而學胡然而仕胡然而嗇其壽脩之已者篤而享之天者胡促也公負天乎天負公乎噫公可無憾於所生矣

天曆二年歲在己巳廣州路番禺縣尹同郡趙宜中撰

八十六世

八十七世

八十八世

八十九世

永大

元興字高仁行元一

祖遠字彭叔

士名

士忠

士敬

士和

元亮

伯祥



學問

士常

士誠

士善

觀慶

武賢

社奴

社受

元明 一名員

謹按先祖永大公明敏通曉取重鄉邑生三子長即吾父元興
 公字高仁積德樂善睦族賑貧孝友之心愈久不替貲產日增
 澤垂後裔享年九十有六娶孺人方氏繼汪氏合塋于廳屋後
 鶴形次諱元亮字大超出贅復歸報戶另籍次諱元明共籍應

役娶孺人胡氏塋株樹塢

論曰先儒有云賢才出國將昌子孫才族將大粵稽我程氏有忠壯公之勲業而黃墩之裔斯顯有巖將公之仁惠而龍山之裔益熾及時謙公遷居托山其功名事業雖未能如二公之盛而樂善好施代不乏人又得我祖永大公續承之我考興公復培植之可謂世德作求者矣後裔之昌其預卜於斯乎

贊曰德積於身惟其崇業垂於後維其終維盛德大業之在公將千萬斯年兮照耀方冊於無窮

元一公傳

公諱元興字高仁永大公長子有豪氣善揣摩事變當元季亂

打山程氏族譜卷之五
時里中人人自危或竄入深山求全活計公獨私喜謂中國必有真主出乃率子弟及鄉里少年馳擊射獵防盜賊守村舍會天兵下臨公先赴之歸謂其子弟曰元氏以夷狄主中國將九十年民心厭亂思治未有甚於此時者也 今兵不殺掠獨以安民爲事意者其 聖人乎吾輩自是得生矣鄉里聞公言乃得不恐而前時入山者稍稍自出迨

高皇帝定天下法令煥然一新里中則人人自喜莫不多公先見之明也時適募守城民兵公獨先應役人或阻公公謝之曰率土之濱莫非王臣若皆愛身不亦難爲上乎洪武十九年

高皇帝下詔曰尚齒所以教敬事長所以教順虞夏商周莫不以

齒爲尚而養老之禮不廢是以人興孝弟俗淳治美其富民有
年八十以上賜爵里士九十以上賜爵社士咸許冠帶免雜徭
于是公年方八十始膺里士之爵焉洪武四年辛亥清天下戶
口公以字入籍易仁爲任是爲程高任戶公有子曰祖遠云
祖遠公字彭叔爲人倜儻有大致頗好詩書惟高尚隱約不求
仕進嘗以爲先世自休父以來代有聞人而吾族自嘉厚公始
遷至今三百餘年其間譜牒惟縣尹公一輯又或未全誠爲可
懼公于是乃復脩集鋟梓以傳子孫其功亦大矣哉玄孫啓曰
余爲兒時見王父道元一公甚詳然其毛瑣之行皆弗記也獨
觀其大節盖有古俠士之風焉夫兵至危而民至安公獨應募

守城以其所安易其所危可謂國爾忘身者矣享年至百以膺
爵命有子博雅爲世逸民天之報施豈云爽耶語曰莫爲之前
雖美不彰莫爲之後雖盛弗傳於予烈祖謂彰美而傳盛者非
耶

玄孫啓頓首百拜謹撰

歙托山程氏族譜卷之五終

歙托山程氏續譜後序

吾乃饒之樂平人也自垂髫時侍先君子側即稔聞
吾之宗祖有若忠壯公之表表者而未暇考見其詳
客歲以士薦於

朝授歙邑簿佐蒞任未幾聞府治南有忠壯公廟
朝命守土官歲時致祭因仰而思曰是忠壯公也得
非即吾宗祖耶因訪於薦紳父老求其後裔而欲追
按其故實僉曰忠壯公之後裔波衍莫甚茲旣分爲

數派而散處矣。蓋證諸譜牒，平時有托山諱士忠者，
倜儻人也。適執義役於公署，因索其原譜閱之。又以
書抵家告之。伯兄亦持家乘參閱焉。則凡本始世次
若合符契。夫然後知忠壯公信爲吾之宗祖，而吾之
所自出實發源於歛矣。發源於歛而筮仕，又適至於
歛，其遇不亦奇哉！每乘退食之暇，以禮訪其族之賢
子姓，而渠亦彬彬迓之，執禮甚恭，蓋庶乎不虛此奇
遇矣。且詳覽原譜爲七十八世孫，時謙公所輯而厥

孫祖遠公復訂正而梓之編錄有法凡例各當而脉
絡井乎不紊一展卷間而九十世之系胄如指諸掌
廼喟然嘆曰何吾程氏之多賢也世傳譜法皆以歐
蘇爲宗此則會而通之不一一模擬之而能得其意
於法外詎不加歐蘇一等哉吾嘗博求族譜徃徃自
丘葵以來富者苦於役貧者窘於財皆不及備舉而
間有問學者亦每每視爲故紙愬不加意蓋有愧於
時謙祖遠二公多矣士忠克守先訓珍藏譜牒以俟

將來其亦賢矣乎昔吾高伯祖萬忠公之著家乘也
囑子後昆勿輕外傳以致亂宗意亦猶是吾於是乎
有感用贅數語於卷末仍令持至公署給以印鈐俾
吾宗子姓共世傳之更求所以立譜之由篤於宗盟
諸凡孝敬儉勤燕享會聚與夫周恤慶唁以厚倫宣
化者亦世承之無替斯則永永有磐宗矣茲固前人
之願也亦吾之願也敢以是為勗哉

永樂九年歲次辛卯孟夏月署歛之將仕郎程庸序

我程氏世譜自唐檢校國子祭酒洵公
輯於巢賊兵火之餘宋都官祁公續脩
之自伯符公以下七十三世一圖一派
井井有條其亦為不刊之典與成化間
篁墩公著統宗譜乃謂其自周秦以迄
五季世次歷歷了無一缺可疑夫免撫
拾彌縫之過故即陳晉譜李邕碑及諸
本異同竟筆削之又籍祁公續譜註各

派遷徙之由不無有遺漏舛訛之失無
怪乎後議紛紛如我山之考秋山之議
清溪之纂皆牴篋之非反不若都官
譜之為的也吁訂譜之難如此可不慎
哉本支自時謙公於宋崇寧間由龍山
下干復遷於此至沔十六世矣元縣尹
晁公明處士祖遠公相繼續編附於祁
譜之後世系傳贊一如其式永樂中已

類別
編號 66.15
冊數
售價 100.00
50元

就梓矣於今百六十年 沔等不揣又自
時謙公始遷以至今日源流脉絡法五
世為圖繼二公之志重脩輯之註為本
編另作後冊然猶不敢自是復請婺東
鹿岡先生參訂使無滲漏可垂諸永刊
成又將祖遠公舊本翻刻如式定為前
編與今刻並傳為不朽云

明 曆元年癸酉孟冬月裔孫 沔 謹識

